



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. 3. An attestaciones testium receptæ inter partes principaliter litigantes,
publicandæ sint ad petitionem intervenientis tertii?

[urn:nbn:de:hbz:466:1-73001](#)

1712. Quæstio ulterior est, an Testes, in alio judicio produeti, ut repetantur eorum attestations, rursum debeant *jurare*, licet prius juraverint coram arbitro compromissario? Resp. quod sic; nam licet acta *instructoria*, seu decisoria litis probent etiam in alio judicio, quin in hoc repetantur; secus tamen est de actis ordinariis judicii; ut docet Abbas in *cit. c. Presentata. 50. b. t. n. 6.* & Felinus *n. 7.* cum textus in *dict. c. 50.* solum loquatur de actis *instructoriis*; hinc cum transeundo ad aliud judicium, sublata sit prior instantia, & hanc sublatam debeat iterum præstari juramentum (ut patet in causa appellatio-*nis ex c. 2. de juramento calumniae*) juramentum testium repeti debebit in nova instantia; sic Abbas in *cit. c. 50. n. 11.*

§. 2.

An nulla depositio testium, prius non publicata, fidem faciat in alio judicio?

1713. Respondeo id, quod diximus *n. 1711.* depositiones testium receptas in uno judicio, sed non publicatas in eodem, non facere fidem in alio judicio, in aliquot casibus limitari. 1. ut non procedat in Judice subrogato, qui scilicet priori ante latam sententiam substitutus est; quia subrogatus censetur tanquam idem cum priori, ut colligitur ex *L. Mortuo. 60. ff. de judiciis*, ibi: *mortuo judice, quod eum judicare oportuerat, idem eum, qui ei subditus est, sequi oportet*; ubi glossa *lit. E. subditus* *Judex* dicitur; qui loco mortui datur iis, qui eum habuerunt Judicem in aliqua re, vel lite; quod etiam habetur *L. proponerebatur, 76. ff. eod.* ibi, proponebatur, ex his judicibus, qui in eandem rem dati essent, nonnullos causâ auditâ excusatos esse: inque eorum locum alios esse sumptos: & *quererabatur, singulorum judicum mutatio eandem rem, an aliud judicium fecisset?* Respondi, non modò si unus, aut alter, sed & si omnes judices mutati essent: tamen & rem eandem, & judicium idem, quod ante*a fuisse, permanere.*

1714. Deinde probabilitate non caret eo-

rum opinio, qui tradunt, attestations etiam non publicatas in priori judicio, fidem facere in alio, si publicentur in isto ex scriptura Notarii super iis confecta in priori judicio; tum quia vis probationum non pendet à publicatione (quæ solum facit, ut super iisdem disputetur) sed ex qualitate *Testium*, & *authoritate Notarii*; tum quia publicatio attestations non est coarctanda, sed potius amplianda ad eum, à quo, prout per Notarium descriptæ sunt, publicentur.

Limitari debet 2. ut non procedat, si factis legitimè testificationibus, ante publicationem mortui sint testes, vel in longinquum abiverunt; sic Felinus in *dict. c. causam, n. 15.* Deinde, si ante litem contestatam recepti sint ad perpetuam rei memoriam testes senes, valetudinarii, vel ex alia causa; sic Felinus *cit. n. 12.* 3. ut non procedat, si consentiente parte Judex publicare velit attestations receptas à priori Judice; nam hac ratione consentiens cedit juri suo; sic Farinacius, *de Testibus, 75. n. 25.* & alii.

§. 3.

An attestations testium receptæ inter partes principaliter litigantes, publicanda sint ad petitionem interventoris tertii?

Ante resolut. not. quod *interventio* sit litis, inter alios agitatæ, proprio motu facta participatio, vel, ut dicunt alii, est *tertii alicujus ad causam, ab aliis motam, intercessio pro suo jure, litem etiam in se derivando*, quo distinguitur interventor (qui propriè *Tertius oppositor* hic dicitur) ab eo, qui intervenit, & alienam obligationem in se suscipit pro alio intercedendo, vel fidejubendo. Potest autem *Tertius* intervenire, vel solum *assister*, ut *Actori*, vel *Reo* assistat ratione sui interesse, ut colligitur ex *L. 5. ff. de appellat.* vel *principaliter*, ut pro suo interesse, & commodo litem in se assumat, excluso *Actore*, vel *Reo*; de quo *L. 14. ff. eod.*

Not. 2. *intercessionem fieri posse etiam coram Judice delegato, idq; propteræa, quod jura non admittant, ut con-*

connexa, & causarum continentia dividantur per L. 10. C. de Judiciis, & quidem in quacunque parte judicij; non tamen post prolatam sententiam, nisi appellando contra illam, L. 10. C. de Euiction. quo tamen casu appellatio fieri debet intra decendum, expressis causis, & gravaminibus, cur suâ interfit appellare à sententia contra alium lata; cùm alias appellatio Tertii à sententia inter alios lata, regulariter à jure non admittatur non expressâ causâ: Dies porrò fatales computandi sunt à die propriæ scientiæ de lata sententia, de quo V. Covarr. practic. quæst. c. 15. à n. 2. quibus præmissis:

1718. Ad quæst. propositam Resp. dicta testium non esse ad petitionem tertii publicanda, & eum, qui producit testes coram certis Judicibus, non posse ad eundem effectum coram Judicibus aliis illos producere, sed illorum attestationibus debere esse contentum. Cùm enim Decanus, & Capitulum Eboracense Magistro R. Archidiaconatum Richemundiæ canonice contulissent, M. H. nominatus Archidiaconus ipsum eo post appellationem spoliavit, qui cùm ad Judices super restitutione suâ literas impetrâisset, memoratus H. impetravit revocatorias, & postulavit à Pontifice, ut Judices depositiones quorundam testium aperiri facherent, quod Procurator M. R. faciendum negabat, cùm non in hac causa essent inducti, sed in alia, quæ inter Eboracensem Archiepiscopum, & dictum R. vertebatur; respondit Pontifex: *nos eas aperire nolimus, sed causam duximus vestro examini committendam, ita, quod si vobis consenserit, prefatum H. testes pro se coram Episcopo & Decano Lincon: & te fili Archidiacone delegatis Judicibus produxisse: attestationibus apud eum depositis sit contentus; alioquin eo non obstante, quod testes illi coram Judicibus ipsis, & te fili Archidiac. suère produci pro dicto H. si produci fuerint, ad testimonium admittantur.*

1719. Ex hoc enim textu deducitur. 1. quod licet Tertius comparens pro suo interesse admittatur in judicium per c. Veniens. 2. c. super, de re judicat. &

Tom. II.

L. si suspecta, ff. de inoffic. testam: petere tamen non possit, ut attestations receptæ inter partes principaliter litigantes aperiantur, & publicentur, non obstante, quod ille tertius a' modo participet de lite propter suum interesse, ut colligitur ex textu, ibi: *Nos eas aperire nolimus.*

Deducitur 2. si adversarius, ad cujus 1720.

petitionem testes producti sunt, & attestations eorum receptæ, consentiat in earum publicationem, posse tunc illas publicari ad petitionem tertii; ideo enim secluso ejus consensu etiam petente tertio publicari non possunt, quia fieret illi præjudicium, cùm factâ illarum publicatione non posset amplius super iisdem articulis produce-re; sed hæc ratio cessat, si consentiat, & sic juri suo cedat; id quod etiam dicendum, si consentiat, dum earum publicationem coram diverso Judice petit pars adversa; si tamen testes interim obiissent, & denuo produci non possent, posset pars adversa petere, ac obtinere testium publicationem, ut colligitur ex c. causam. n. 1. h. t. sic Layman in dict. c. Constitutus, n. 3.

Deducitur 3. attestations, stante 1721.

rationabili causâ, posse deponi apud unum ex litigantibus, sic tamen, ut is, apud quem depositæ sunt, non possit amplius producere testes super iisdem articulis, vel directè contrariis, licet nondum sint formaliter publicatae, quia præsumitur eas didicisse, hoc est, earum notitiam acquisivisse; quæ tamen præsumptio cadit, si ei traditæ sint clausæ.

§. 4.

An testes produci ad probandam exceptionem admittantur ad deponendum in causa principali?

DE hac quæst. extat c. de testibus. 29. 1722.
h. t. ubi Episcopo Tyrensi rescribit Pontifex, quod, si Testes solùm produci sint ad exceptionem dilatori-am probandam (cùm super causa tantum juraverint dicere veritatem) non debeant audiiri super principali, neque cogi testimonium perhibere, utpote super quo deponerent non jurati. Si vero ad

Kkk

perem-